

玉  
檄  
辨  
症  
六



# 火門

內經叙火  
為諸證

諸熱脅癰暴瘡冒昧躁擾狂越罵詈驚駭  
附腫疼酸氣逆衝上禁慄如喪神守唳嘔瘡瘍喉痺  
耳鳴及聾嘔涌溢食不下目昧不明暴注瞤瘛暴病  
暴死皆屬於火

君相二火  
出于天造

丹溪曰火有二曰君火人火也曰相火天  
火也火內陰而外陽主乎動者也故凡動皆屬火以  
名而言形質相生配於五行故謂之君以位而言生  
於虛無守位稟命因動而見故謂之相天主生物故  
恒於動人有此生亦恒於動其所以恒於動者皆相

火助之為也見於天者出於龍雷則木之氣出於海  
則水之氣也具於人者寄於肝腎二部肝屬木而腎  
屬水也膽者肝之腑膀胱者腎之腑心胞絡者腎之  
配三焦以焦言而下焦司肝腎之分皆陰而下者也  
天非此火不能生物人非此火不能有生或曰相火  
天人所同何東垣為元氣之賊曰周子曰神發知矣  
五性感動而萬事出有知之後五者之性為物所感  
不能不動謂之動者即內經五火也相火易起五性  
厥陽之火相扇則妄動矣火起於妄變化莫測無時  
不有煎熬真陰陰虛則病陰絕則死君火之氣經以

暑與熱言之相火之氣經以火言之蓋表其暴悍酷  
烈有甚於君火者也故曰相火元氣之賊周子又曰  
聖人定之以中正仁義而主靜朱子亦曰必使道心  
常為一身之主而人心每聽命焉此善處乎火者人  
心聽命於道心而又能主之以靜彼五火將寂然不  
作而相火者惟有裨補造化而為生生不息之運用  
爾何賊之有或曰內經火相註言少陰少陽矣未曾  
言及厥陰太陽而吾子言之何也曰足太陽少陰東  
垣嘗言之矣治以炒栢取其味辛能瀉水中之火是  
也戴人亦言膽與三焦尋火治肝和胞絡都無異此

歷指龍雷之火也予亦備述天人之火皆生於動如  
上文所云者實推廣二公之意或曰內經言火者不  
一往往於六氣中見之言臟腑者未之見也二公豈  
他有所據耶予能為我言之乎經曰百病皆生於風  
寒暑濕燥火之動而為變者岐伯歷舉病機一十九  
條而屬火者五此非相火為病之出於臟腑者乎考  
諸內經少陽病為瘧疾太陽病時眩仆少陰病脅暴  
痞鬱冒不知人非諸熱瘧瘧之屬火者乎少陽病惡  
寒鼓慄臆病振寒少陰病洒淅惡寒振慄厥陰病洒  
淅振寒非諸振鼓慄如喪神守之屬火者乎少陽嘔

逆厥氣上行勝眈病衝頭痛太陽病厥氣上衝胸少  
腹控臑引腰脊上衝心少陰病氣上衝胸嘔逆非諸  
逆衝上之屬火者乎少陽病譫妄太陽病譫妄勝眈  
病狂癩疾非諸躁狂越之屬火者乎少陽病肘腫善  
驚少陰病脅熱以酸肘腫不能久立非諸病肘腫酸  
驚駭之屬火者乎又原病式曰諸風掉眩屬於肝火  
之動也諸氣憤鬱病痿屬於肺火之升也諸濕腫滿  
屬於脾火之勝也諸痛痒瘡瘍屬於心火之用也是  
皆火之為病出於臟腑者然也註文未之發爾  
宗厚曰火之為病其害甚大其變甚速其勢甚彰其

死甚暴曰君火也猶人火也曰相火也猶龍火也經

所謂一水不勝二火之火出于天造 又曰考內經

病機一十九條內舉屬火者五諸熱皆屬火

之類而河間又廣其說火之致病者甚多深契內經

之意曰諸病喘嘔吐酸云云見熱門此皆少陰君火之熱

乃真心小腸之氣所為也若督慙暴瘡冒昧云云見前此

皆少陽相火之熱乃心胞絡三焦之氣所為也是皆

火之變見為諸病也

五志之火出於人為原病式曰五志過極皆為火 宗厚曰君

相之外又有厥陽臟腑之火根於五志之內六欲七

情激之其火隨起蓋大怒則火起于肝醉飽則火起于胃房勞則火起于腎悲哀動中則火起于肺心為君主自焚則死吳丹溪又啟火出五臟主病曰諸風掉眩屬肝火動之類經所謂一水不勝五火之火出自人為

火極似水

宗厚曰按火熱之極者經曰壯火散氣壯火之

氣衰故有陽極似陰之證河間治身冷唯心胸微暖昏冒不知人事不能言脈微而欲絕者用涼膈散養陰以退陽此因病陽厥而尚不下所致身冷脈微而似陰證元則害承迺制極變病例也 王安道曰元



則害承乃制太僕河間已發揮者茲不贅其未悉之  
旨請推而陳之夫自顯明之右止君火治之十五句  
言六節所治之位也自相火之行下止陰精承之十  
二句言地理之應乎歲氣也亢則害承乃制二句言  
抑其過也制生則化止生化大病四句言有制之常  
與無制之變也承猶隨也然不曰隨而曰承者以下  
言之則有上奉之象故曰承雖謂之承而有防之之  
義存焉亢者過極也害者害物也制者克勝之也然  
所承也其不亢則隨之而已故雖承而不見既亢則  
克勝以平之承斯見矣

積溫蓄  
熱成火 子和曰李屏山素飲酒一日得病醫用酒癥

丸熱藥後目覩天地但見紅色遂成龍火卒不能救

崇溪李濟之常病目及后省椽每服補肝散以致

睛脹但見窓檻橫排幾至喪明令涌泄五七次繼服

涼劑方始如故 丹霞朱僧氏代章宗出家既病三

陽畜熱常居靜室不敢見明明則頭疼如錐每置冰

於頂上不能解其熱歷諸醫莫能辨其病後治之七

日而愈其法用汗吐下三法而已後用涼物清鎮之

平復如故

治法  
總論 宗厚曰君火者心火也可以濕伏可以水滅可

以直折惟黃連之屬可以制之相火者龍火也不可  
以水濕折之從其性而伏之惟黃柏之屬可以降之  
噫瀉火之法豈止如此虛實多端不可不察以臟氣  
司之如黃連瀉心火黃芩瀉肺火芍藥瀉脾火柴胡  
瀉肝火知母瀉腎火此皆苦寒之味能瀉有餘之火  
耳若飲食勞倦內傷元氣火不兩立為陽虛之病以甘  
溫之劑除之如黃芪人參甘草之屬若陰微陽強相  
火熾盛以乘陰位日漸煎熬為血虛之病以甘寒之  
劑降之如當歸地黃之屬若心火亢極鬱熱內實為  
陽強之病以鹹冷之劑折之如大黃朴硝之屬若腎

水受傷真陰失守無根之火為陰虛之病以壯水之劑制之如生地黃玄參之屬若右腎命門火衰為陽脫之病以溫熱之劑濟之如附子乾薑之屬若胃虛過食冷物抑遏陽氣於脾土為火鬱之病以升散之劑發之如升麻葛根之屬不明諸此之類而求火之為病施治何所依據乎

脈宗厚曰虛則浮大實則洪數

劑吐仲景瓜蒂散元戎勝金丸方並見痰飲門宗厚曰按

賈元良曰宣劑者湧吐是也以君召臣曰宣以上召下之義也仲景大法春則人病在頭宜吐之一切風

熱積熱或火熾者其證寸口脈滑而有力胸中實滿  
煩惋氣上而不化面赤痰盛罵詈驚駭等證並宜吐  
之但已上諸方恐非所宜義見痰飲門

并散之劑東垣瀉陰火并陽湯治肌熱煩熱面赤食少喘  
喘欬痰盛脈右關緩弱或弦或浮數

羌活 甘草 炙 黃芪 蒼朮 各一兩 升麻 八錢

柴胡 一兩 人參 黃芩 各七錢 黃連 五錢

石膏 五錢秋深勿用 每服一兩或半兩水煎

宗厚曰按此發脾胃火邪之劑又心膽肝肺膀胱藥  
也瀉陰火并發陽氣榮養氣血者也

升陽散火湯治男子婦人四肢發熱肌熱筋痺熱骨  
髓中熱發困熱如火燎於肌膚捫之烙手此病多因  
血虛而得之或胃虛過食冷物抑遏陽氣於脾土火  
鬱則發之

升麻

葛根

獨活

羌活

各五錢

防風

二錢五分

柴胡

八錢

甘草

三錢

人參

白芍藥

各五錢

甘草

生二錢

每服

半兩

或一兩

水煎

稍熱服

宗厚曰按此胃膽脾肺膀胱經藥也

拔萃方地骨皮散治渾身壯熱脈長而滑場毒火熾

發渴

地骨皮 茯苓錢各五 柴胡 黃芩 生地黃

知母各一兩 石膏二兩 羌活 麻黃各七錢五分  
有汗並去之

每服一兩入薑煎

宗厚曰按此肝心脾肺腎藥又表裏氣血之劑也雲

岐子曰在五臟之標本者皆可用

陽毒升麻湯治傷寒雜病汗吐下後變成陽毒發狂

譫妄喉痛下利

升麻錢五 犀角 射干 黃芩 人參 甘草各二

錢五分 水煎 宗厚曰按此升散肺胃火熱藥也

葛根橘皮湯治諸熱證溫毒成斑或欬或心悶或嘔

葛根錢三 橘皮 杏仁 知母 黃芩 麻黃

甘草各二錢

宗厚曰按此肺胃膀胱經藥也 又曰謹按右方治  
火升散之劑其例少得姑採已上諸方以備其旨

折劑之劑 向方涼膈散

宗厚曰按此瀉脾胃肺心主膽三焦大腸火熱藥也  
調胃承氣湯 宗厚曰按此瀉胃火之藥也

當歸承氣湯 方並見熱門 宗厚曰按此瀉脾胃肝火藥也

宗厚又曰已上調方皆鹹寒之藥經云火淫于內治  
以鹹寒而為正治然亦有氣血上下之分也用者自



宜取擇

黃連解毒湯治一切火熱毒狂躁煩心口燥咽乾熱  
勢之甚者及吐下後熱不解而脈洪喘急鄭聲目赤  
睛疼燥渴

黃連

黃柏

黃芩

大梔子

各等分

水煎

宗厚曰按此太倉公火劑湯也瀉心肺腎膀胱大小  
腸胃火之藥

真珠散治男女五臟積熱毒氣上攻心胸煩悶口乾  
舌燥精神恍惚悶亂坐臥不安

琥珀

真珠粉

天花粉

鐵粉

硃砂

生甘草 寒水石 煨 牙硝 大黃 各等分

為細末每一錢竹葉湯調下

宗厚曰按此瀉心腎胃火之劑鎮墜藥也

宣明大金花丸治中外諸熱寢汗咬牙唾語驚悸溺

血淋悶欬血衄血瘦弱頭痛并骨蒸肺痿勞效

黃連 黃柏 黃芩 大黃 各等分

為末滴水丸小豆大每二三十丸新水下

宗厚曰按此解毒湯之變法也出陽明例但云治瘦

弱頭痛已下諸證猶宜詳審用之

當歸龍膽丸治腎水陰虛風熱蘊積時發驚悸筋惕

搐搦神志不寧榮衛壅滯頭目昏眩肌肉潤癭胸膈  
咽嗝不利腸胃燥澁躁擾狂越罵詈驚駭火熱等證

當歸 草龍膽 大皂子 黃連 黃柏

黃芩 各一兩 大黃 蘆薈 青黛 各五錢 木香 一錢

麝 五分 蜜丸小豆大薑湯下二三十丸

宗厚曰按此瀉心肝脾肺腎胃火之藥也

神芎丸治一切熱證常服保養除痰飲消酒食清頭  
目利咽膈能令遍身結滯宣通氣利而愈神強體健  
耐傷有病

大黃 黃芩 各二兩 牽牛 滑石 各四兩 黃連

薄荷

川芎

各五錢

水丸小豆大溫水下十丸至

十五二十九

宗厚曰按此瀉心脾胃肺膀胱火熱之劑又氣血藥也下濕熱導滯甚捷但云常服神強體健有病與前方云治腎水陰虛損者恐未必然

并散折劑之劑

局方紫雪治內外煩熱不解口中生瘡狂易

叫走解諸熱毒藥毒邪熱小兒驚癇百病

黃金

百兩

寒水石

磁石

石膏

滑石

各三兩打碎

已上用水一石煮至四斗去渣入下項

甘草

炙一兩

羚羊角犀角角

青木香

沉香

各五

丁香

一兩

升麻

玄參

並剉細  
各一兩

已上再

煮至一斗五升入下項

硝石

四升芒硝亦得每  
升得七兩七錢

朴硝

十觔提  
淨者

已上入前藥汁中微火煎柳枝不

住于攪候有七升投放木盆中半日欲凝入下項

藥攪令勻

硃砂

斤三兩

麝香當門子

一兩二錢五分

右藥成霜雪紫色每服一錢或二錢冷水調下大

人小兒臨時以意加減並食後服

宗厚曰按此心脾肺腎胃經藥也

千金黑奴丸治火熱陽毒發狂發癩煩躁大渴倍常

黃芩

釜底煤

芒硝

竈突墨

梁上塵

新

小麥奴 麻黃 大黃 各一兩 蜜丸如彈子大新汲

水化服不定再服半丸飲水盡足當發寒寒已汗  
出乃瘥未汗再服半丸不大渴者不可與

宗厚曰按此出陽明藥例取諸火化者為從治之意

又表裏之劑也

滋陰壯水之劑 板葶六味地黄丸治腎氣虛久憔悴寢汗新

發熱五臟齊損瘦弱虛煩骨蒸下血

丹溪大補丸降陰火補腎水

補陰丸降陰火治發渴骨熱補腎水真陰不足 並見補虛門

宗厚曰按此三方足少陰藥下二方入陰中至陰之

劑經云壯水之主以制陽光所謂求其屬也

從治之劑 丹溪左金丸瀉肝火行濕為熱甚反佐開痞結

治肝邪

黃連兩六 吳茱萸兩一 為木術糊丸

局方溫膽湯治膽虛痰熱驚悸不眠

半夏 竹茹 枳實各二兩 陳皮 生薑各四兩

甘草兩二 水煎每服一兩

桂苓甘露飲治胃受濕熱頭疼身熱煩渴吐瀉口乾

方見熱門

全真腎氣丸治腎經虛熱方見補虛門

五苓散治發熱而渴小便不利煩躁頭痛

方見泄瀉門

宗厚曰按內經註曰若調寒熱之逆冷熱必行則熱物冷服下咽之後冷體既消熱性便發由是病氣隨愈矣已上諸方皆從其氣以去拒格之熱可臨證選用求其意例也



余英子工詩書學知其居以古稱於之世下  
餘亦其有知之者今雖無其跡然其由是而居  
余亦曰好詩書也曰其能者然之也余亦曰好  
五言者其於世也其由是而居也

熱門發熱附

內經叙熱為諸證原病式云諸病喘嘔吐酸暴注下迫轉筋

泄

小便渾濁腹脹大鼓之有聲如鼓癰疽瘍疹瘤氣結核吐下瘧亂腎鬱腫脹鼻塞鼻衄血溢血淋閱身泄熱惡寒戰慄驚或悲笑譫妄衄蟻血污皆屬於熱

陰陽虛盛分內熱外熱經曰陰虛則內熱陽盛則外熱內外皆

熱則喘而渴故欲冷飲也又曰陰虛生內熱者因

有所勞倦形氣衰少穀氣上盛上焦不行下脘不通

中

胃氣熱熱氣熏胸故內熱陽盛則外熱者因上焦

不通利則皮膚緻密腠理閉塞玄府不通衛氣不得

泄故外熱 景厚曰按趙嗣真曰素問論陰陽虛實  
四證者雜病也難經六難之文論脈也外臺所述之文  
論傷寒表裏也但仲景所主陰陽虛盛之意理實奧焉  
經云邪氣盛則實精氣奪則虛因正氣先虛以致邪  
氣客之而為盛實於是陽虛陰盛陰虛陽盛二證  
之別如活人書却將素問所論雜病陰陽虛盛四證  
合而引證仲景傷寒二證之法又改陽盛外熱作內  
熱陰盛內寒作外寒所論初未嘗合因拓仲景所  
主陰陽虛盛之理而詳說之蓋盛者指邪氣而言虛  
者指正氣而言陰陽虛盛邪正消長之機且正氣

在人場主表而陰主裏邪氣中人表為陰而裏為陽  
若夫表之真陽先虛故陰邪乘陽而盛實表受邪者  
陽虛也脈浮緊者陰邪盛於外也是謂陽虛陰盛所  
以桂枝麻黃辛甘之溫剷汗之則陰邪消溫之則真  
陽長使邪去正安故愈又若裏之真氣先虛故陽邪  
入陰而盛實裏受邪者陰虛也脈沉實者陽邪盛於  
裏也是謂陰虛陽盛所以用承氣酸苦之寒剷下之則  
陽邪消寒之則真陰長邪去正安故愈如其不然陽  
盛而用桂枝下咽即斃陰盛而用承氣入胃以亡是  
皆盛盛虛虛而致邪失正也以是知仲景所主場虛

陰盛陰虛陽盛二證之意深蓋指一為表證一為裏  
證邪正消長而言非兼言表和裏病裏和表病而謂  
之陰陽虛盛也況和者無病處也虛者受病處也斯  
論可謂得仲景之心法然陰虛生內熱詳東垣丹溪  
之說則又有陰虛外熱之證陽勝外熱考之河間往  
往有陽勝內熱之例是皆原其病機也然經言者內  
因證也本病也河間東垣丹溪言者極變之證也標  
病也所謂元則宮冰迥制之例

數分在  
氣在血

東垣曰晝則發熱夜則安靜是陽氣自旺於  
陽分也晝則安靜夜則發熱煩躁是陽氣下陷入陰

中也名曰熱入血室晝則發熱煩躁夜則發熱煩躁  
是重陽無陰也當亟瀉其陽峻補其陰

五臟熱分以手捫摸有三法以輕手捫之則熱重手按之

則不熱是熱在皮毛血脈也重按之至筋骨之分則  
熱薰手極甚輕手則不熱是邪在筋骨之間也輕手  
捫之不熱重力以按之不熱不輕不重按之而熱是  
在筋骨之上皮毛皮脈之下乃熱在肌肉也肺熱  
者輕手乃得微按全無日西熱甚乃皮毛之熱其證  
必見喘咳寒熱輕者瀉白散重者涼膈散地骨皮散  
心熱者微按至皮膚之下肌肉之上輕手乃得微

按至皮毛之下則熱少加力按之則全不熱是熱在  
血脈也其證煩心心痛掌中熱而噦以黃連瀉心湯  
導赤散硃砂安神丸 脾熱者輕手捫之不熱重按  
至筋骨又不熱不輕不重在輕手重手間乃熱在肌肉  
遇夜尤甚其證必怠惰嗜卧四肢不收無氣以動瀉  
黃散 肝熱者重按之肌肉之下至肉之上乃肝之  
熱寅卯間尤甚其脈弦四肢滿悶便難轉筋多怒多  
驚四肢困熱筋痿不能起於床瀉青丸柴胡飲子  
腎熱者輕手重手俱不熱如重手按至骨分其熱蒸  
手如火其人骨蘇蘇如虫蝕其骨困熱不任亦不能

起於床滋腎丸主之 宗厚曰面熱者足陽明口中  
熱如膠足少陰口熱舌乾足少陰耳前熱若寒于太  
陽掌中熱手厥陰少陰太陰足下熱而痛足少陰足  
外熱足少陽身熱膚痛于少陰身前熱足陽明洒淅  
寒熱手太陰肩<sub>上</sub>熱項似拔手太陽中熱而喘足少  
陰肩背熱及足小指外膝脛踝後皆熱足太陽熱而  
筋縱緩不收陰痿足陽明厥陰于少陰與前熱在氣  
血之分皆諸經現證腑臟陰陽是動所生之本病也  
陽盛發熱 經曰陽盛則身熱腠理閉喘粗為之俛仰汗不  
出而熱甚乾以煩冤腹滿死能冬不能夏



陽虛  
發熱

衛生寶鑑云奧屯周卿之子年二十三病發熱

肌熱消瘦四肢困倦嗜卧盜汗大便溏多不思飲食  
腸鳴舌不知味懶於言語時來時去近半載其脈浮  
數按之無力正應脈訣云臟中積冷榮中熱欲得生精  
要補虛先灸中脘引清氣上行肥腠理又灸氣海穴  
乃生發元氣滋榮百脈灸三里助胃氣徹上熱使下  
於陰分以甘寒之劑瀉熱火佐以甘溫養其中氣又  
食粳米羊肉之類固其胃氣以慎言語節飲食至數  
月病減得平復 宗厚曰按此證治乃陽虛而胃氣  
不足陰陽不升降致發熱者宜灸之以助陽藥以甘

寒瀉血中之火熱又非止陰虛之例也

陽臨發熱許學士曰仲景云尺脈弱名曰陰不足陽氣下

陷入陰中則發熱也大抵陰不足陽往從之故陽內  
臨則發熱

陰虛躁熱宗厚曰按東垣云發熱惡熱大渴不止煩躁肌

熱不欲近衣其脈洪大按之無力者或無目痛鼻乾  
者非白虎湯證也此血虛發躁當以當歸補血湯主  
之又曰煩躁虛煩亦與實煩不同如傷寒煩者為

真陽內鬱陰中伏陽之證與陰虛躁熱病本亦異

陰虛惡熱丹溪曰經云陰虛則發熱夫陽在外為陰之衛

陰在內為陽之守精神外馳嗜欲無節陰氣耗散陽  
無所附遂致浮散於肌表之間而惡熱也實非有熱  
當作陰虛治之而用補養之法可也 又司丞叔平  
生脚自踝以下常覺熱冬不可加綿於上常自言曰  
我資稟壯不怕冷予曰此是三陰之虛宜早斷慾事  
以補養陰庶乎可免笑而不答年纔五十患痿半  
年而死

熱鬱  
惡寒

丹溪曰經云惡寒戰慄皆屬於熱又云禁慄如

喪神守皆屬於火惡寒者雖當炎月若遇風霜重綿  
在身自覺凜凜戰慄禁慄動搖之貌如喪神守惡寒

之甚原病式曰病熱甚而反覺其寒此為病熱實非  
寒也或曰往往見有得熱藥而少愈者何也予曰病  
熱之人其氣炎上鬱為痰飲抑遏清道陰氣不升病  
熱尤甚積痰得熱亦為暫退熱勢助邪其病益深或  
曰寒勢如此誰敢以寒涼與之非殺而何予曰古人  
遇戰慄之證有以大承氣湯下燥糞而愈者惡寒戰  
慄明是熱證但有虛實之分耳 又治進士固本

道年逾三十得惡寒病服附子百數而病甚求予治  
診其脈弦而似緩予以江茶入薑汁香油些小吐痰  
一升許病減大半又與防風通聖散去硝黃加地黃

當歸百餘帖而安固甚喜予曰未也燥熱已多血傷  
亦深須食淡以養胃內觀以養神則水可生火可降  
也不從吾言附毒必發彼勇於仕進一切務外不守  
戒忘予曰若多與補血涼藥亦可補安內外不靜腎  
水不生附毒必發病安之後官於婺城巡夜冒寒非  
附子不可以療而性怕生薑只得以猪腰作片煮附  
子與三帖而安予曰可急歸知其附毒易發彼以為  
迂半年後果發背而死 原病式曰病熱鬱甚而反  
惡寒得寒轉甚而得暖少愈者謂暖則腠理疎通而  
陽氣得散怫熱稍退故少愈也其寒則腠理固密陽

氣怫鬱而熱、轉甚故病加爾。宗厚曰：又有火鬱而熱者，如不能食而熱，自汗氣短者，虛也。以甘寒之劑瀉熱，補氣非如能食而熱，口舌乾燥，大便難者，以辛苦大寒之劑下之。予和曰：骨蒸勞熱，皮膚乾枯，痰涎稠粘，四肢疼痛，面赤唇乾，煩躁睡卧不寧，或時喘咳，飲食少味，困弱無力，虛汗黃瘦等證，先以茶調散輕涌訖，次以導水禹功輕瀉三兩行，後服柴胡飲子桂苓甘露飲，搜風丸，白朮調中湯，人參散之類，量虛實用之。宗厚曰：勞熱未必不兼陰陽兩虛，濕熱自甚，或陰虛或勞傷形氣，或脾胃虛損為熱之證，吐去

痰涎及開提鬱陷之氣次以調養之法治之猶可若  
便利與禹功導水重峻之劑吾恐實實虛虛不善用  
而藥之太過多致殺人且如積熱蓄熱有餘之證非  
汗吐下法則不能已者不善用而藥之不及亦致悞  
人

陰或格陽東垣云馮內翰之姪櫟因病傷寒目赤而煩渴

脈息七八至按之不鼓擊經曰脈至而從按之不鼓  
諸陽皆然此陰盛格陽於外非熱也與蓋附之劑汗  
出而愈 宗厚曰按此與王海藏治狂言發斑身熱  
脈沉細陰證例同

陽盛拒陰

附火鬱  
附積熱

東垣又有治脚膝痿弱下尻臂皆

冷陰汗臊臭精滑不固脈沉數有力為火鬱於內逼

陰向外為陽盛拒陰用苦寒藥下之者此水火微兆

之微脈證治例之妙王太僕曰紀於水火餘氣可知因

併錄之以勸王安道曰寒熱未至於甚粗工為之

而不難設熱積而寒沉良工猶弗能以為計况其下

乎以積熱言之始而涼和次而寒取寒取不愈則因

熱而從之從之不愈則枝窮矣由是苦寒頻數而弗

停又以沉寒言之始而溫和次而熱取熱取不愈則

因寒而從之從之不愈則枝窮矣由是辛熱比年而



弗止嗟夫苦寒益深而積熱彌熾辛熱太過而沉寒  
愈滋苟非大聖仁慈明垂樞要生也孰從而全之經曰  
諸寒之而熱者取之陰熱之而寒者取之陽所謂求  
其屬也屬也者其樞要之所存乎斯旨也王太僕知  
之故曰益火之原以消陰翳所壯水之主以制陽火又  
曰取心者不必齊以熱取腎者不必齊以寒但益心  
之陽寒亦通行強腎之陰熱之猶可吁混乎千言萬  
語之間殆猶和璧之在璞也夫寒之而熱者徒知以  
寒治熱而不知熱之不衰者由于真水之不足也熱  
之而寒者徒知以熱治寒而不知寒之不衰者由于

真火之不足也。不知真水火不足，汎以寒熱藥治之。非惟臟腑習熟藥，反見化於其病，而有者弗去，無者復至矣。故取之陰，所以益腎水之不足，而使其制夫心火之有餘；取之陽，所以益心火之不足，而使其勝夫腎水之有餘也。其指水火也，屬猶主也。謂心腎也，求其屬者，言水有餘，火不足，而求之於心腎也；火之原者，陽氣之根，即心是也；水之主者，陰氣之根，即腎是也。非謂火為心，而原為肝；水為腎，而主為肺也。寒亦益心，熱亦強腎，此太僕達至理於規矩準繩之外，而非迂生曲士之可以跂及矣。

兩脇難知曰一身盡熱先太陽也從外而之內者先  
熱無形也為外傷手足不和兩脇俱熱如火先少陽也  
從內而之外者先有形也為內傷

四肢熱經曰有四肢熱逢風寒如灸於火者是人陰氣

虛陽氣盛也東垣曰四肢發熱者或口乾舌乾咽

乾蓋心主火小腸主熱火熱來乘土位乃濕熱相合

故煩躁悶亂也四肢者脾土也火來之故四肢發熱

也

瘧活人書云中脘有痰令人增寒發熱惡風自汗寸

口脈浮胸痞滿有類傷寒但頭不痛項不强為異

傷活人書云傷食令人頭痛脈數發熱但左手人迎脈平和身不疼痛是也

煩躁尚云虛煩與傷寒相似身熱脈不浮緊不惡寒但熱而煩或不煩頭不痛

氣脚孫尚云脚氣為病大便堅脚膝腫痛兩脛或有腫滿或枯細者方其發時亦有發熱增寒嘔惡似傷寒證也

脈內經云粗大者陰不足陽有餘為熱中也陽氣有餘為身熱無汗脈反濇者為太過血少陰虛也

脈經云寸口脈浮大而疾者名曰陽中之陽病若煩

滿身熱頭痛腹中熱 又云熱病脈小或細喘逆不  
得大小便腹大而脹汗出而厥逆泄注脈大小不調  
皆難治熱病已得汗而脈尚躁盛此陰脈之極也死  
熱病不得汗而脈躁盛者此陽脈之極也死脈浮而  
濇濇而身有熱者死 宗厚曰按經云脈至而從按  
之不鼓諸陽皆然王註云病熱而脈數按之不鼓動  
乃寒盛格陽而致之非熱也形證是寒按之而脈氣  
鼓擊於指下盛者此為熱盛拒陰而生病非寒也又  
曰推而內之外而不內身有熱也傷寒論曰寸口脈  
微為陽不足陰氣上入陽中則洒淅惡寒尺脈弱為

陰不足陽氣下陷入陰中則發熱也與難經言覆溢相乘及六難浮損沉實義皆診法之至要於熱證大宜諳識 又按經云脈浮如數而有熱者氣也與熱證脈相類

發表之劑 易簡參蘇飲治感冒發熱頭痛或因痰飲凝積為熱狀似傷寒者

前胡 人參 紫蘇 乾葛 半夏 茯苓 各三分

枳殼 陳皮 甘草 桔梗 木香 各五分 生薑

五片水煎服 宗厚曰按此足少陽柴胡例藥

向方柴胡升麻湯治發熱頭痛惡風體疼鼻塞咽乾

疫感方見傷風門 宗厚曰按此足少陽陽明手太陰藥也

河間六神通解散治發熱頭痛發渴身疼脈洪無汗

麻黃錢二 甘草錢三 石膏 滑石 黃芩各四錢

蒼朮錢八 入薑蔥煎服

宗厚曰按此三陽手足太陰藥也出太陽例

易老九味羌活湯治發熱惡寒無汗或自汗頭痛項

強或傷風見寒脈傷寒見風脈並宜服之 宗厚曰

按此足太陽陽明三陰藥也

宗厚曰已上諸方皆傷寒表藥之變法宜詳審脈證

而擇用之然易老九味河間通解意雖不同務在藥

證相對名實相符方可行之否則犯禁致逆及失其  
立法之意也是以許文正公曰近世論醫有主河間  
劉氏者有主易老張氏者張氏用藥依准四時陰陽  
升降而增損之正內經四氣調神之義醫而不知此  
妄行也劉氏用藥務在推陳致新不使少有拂鬱正  
造化新新不停之義醫而不知此無術也然而主張  
氏者或未盡張氏之妙則瞑眩之劑終莫敢投至失  
幾後時而不救者多矣主劉氏者或未悉劉氏之蘊  
則劫效目前陰損正氣遺禍於後日者多矣能用二  
家之長而無二家之弊則治庶幾乎於此二方製法



可見大抵學者當於經論中求之知有所主不可偏執於一家而已

攻裏之劑宣明三承氣湯發明云以三承氣合而為一旦云通治三藥之證與仲景之方甚相違背反失軒岐緩急之旨

當歸承氣湯治燥熱裏熱火鬱為病或皮膚枯燥或咽乾鼻乾或便溺結閔通宜用此

當歸

大黃

各四錢

甘草

芒硝

各二錢

入薑煎服

當

宗厚曰按此足太陰厥陰陽明藥也凡血證下藥詳見仲景抵諸湯例茲不備錄但此與前方可見有

氣血之分

發表攻裏之劑

宣明雙解散治一切風熱積熱 益元散

防風通聖散

各一兩

每三五錢入葱白鹽豉五十粒

薑三片煎服

宗厚曰按此足太陽陽明少陰厥陰

手足太陰藥也治風熱鬱熱甚捷但本論云治風寒

暑濕饑飽勞役內外諸邪所傷無問雜病便可通解

然斯言混同主治而寒濕何以得散內傷不足之證

何以抵受邪實實虛虛不無致逆故潘思敬云是仲

景調胃承氣湯後人一變加連翹梔子薄荷黃芩謂之

涼膈至河間又一變於涼膈中加防風川芎當歸芍

藥麻黃石膏桔梗滑石荊芥白朮謂之防風通聖古  
 之復方也今復之又復製法蓋可知矣而學者識之  
 大柴胡湯治傷寒雜證發熱脈沉實弦數熱日數多  
 或有表復有裏脈洪頭痛而譫妄或濕熱自利表裏  
 已急宜此下之

柴胡錢四 黃芩 各一錢 芍藥 五分 半夏 一錢二分

枳實錢三 大黃 二錢五分 人薑棗煎服

出 宗厚曰按此足少陽陽明太陰厥陰藥也太陽例

清氣之劑 局方人參白虎湯治氣熱心煩發渴

石膏錢四 知母 一錢五分 甘草錢一 人參五分

入粳米一合煎服 宗厚曰按此足陽明少陰手  
太陰藥也

清心蓮子飲治發熱口乾小便白濁夜則安靜晝則  
發熱

黃芩 麥門冬 地骨皮 車前子 甘草 各二錢五分

蓮肉 茯苓 黃芪 柴胡 人參 各三錢五分 水煎

宗厚曰按此足少陰少陽手足太陰藥

宣明柴胡飲子解一切肌熱蒸熱積熱或汗後餘熱

脈洪實弦數

黃芩 甘草 大黃 芍藥 柴胡 人參

當歸 各一錢五分

人薑煎

宗厚曰按此足少陽例

又表裏血藥也寶鑑附於氣分熱例下今姑從之學者取擇焉 機要云若膚如火燎而熱以手取之不甚熱為肺熱目睛赤煩燥或引飲黃芩一味主之晝則行湯二十五度此言氣分藥也

涼血之劑 清涼飲子治大人小兒血脈壅實臟腑生熱而赤煩渴睡卧不寧

大黃

芍藥

當歸

甘草

各等分

水煎

宗厚曰按此足太陰厥陰之的藥也

元戎四物二連湯治血虛虛勞發熱五心煩熱晝則

明了夜則發熱

當歸 生地黃 白芍藥 川芎 黃連

胡黃連 水煎 宗厚曰按此足太陰厥陰手

少陰經藥也 機要云若夜發熱主行陰夜則行陰

二十五度若脇肋熱或一身盡熱或日晡肌熱者皆

血病也宜以上方及桃仁承氣瀉而用之

清氣涼血之劑 向方洗心散治風壅壯熱頭目昏痛熱氣上

衝口苦唇焦咽喉腫痛心神煩燥多渴五心煩熱小

便赤澀大便祕滯

大黃 煨 甘草 當歸 芍藥 麻黃 荆芥穗

玉機辨症 下集 熱 辛六

錢各

白朮錢五

為末每服二三錢生薑薄荷湯煎服

宗厚曰按此足太陽陽明厥陰手足太陰經藥也今人多用之故收入然以白朮合大黃入心故名洗心而從以麻黃荊芥亦是表裏藥  
甘露飲治男子婦人小兒煩熱胃中客熱口臭齒齲煩渴咽瘡等證

熟地黃 生地黃 枇杷葉 山茵陳 天門冬

麥門冬 枳殼 黃芩 石斛 甘草各等分

為末每服五錢水煎服

宗厚曰按此足陽明手足太陰少陰經藥也

龍腦鷄蘇丸除煩熱鬱熱肺熱欬嗽鼻衄吐血血崩

下血熱淋消渴驚悸解酒毒胃熱口臭口苦開心明目

薄荷葉一兩 生地黃六錢 麥門冬四錢 蒲黃炒

阿膠炒各二錢 黃芪一錢 人參一錢 甘草一分

木通二錢 銀州柴胡二錢 同水通浸二日取汁入膏

為末用蜜三兩二錢煉過後下地黃末木通柴胡

汁熬成膏丸桐子大每二十丸嚼破湯下

安神清鎮之劑 局方至寶丹 方見中風門 宗厚曰按此氣血之藥

通關透肌骨之劑也

東垣珠砂安神丸治心神煩亂怔忡兀兀欲吐氣亂



而熱以懊懷狀

黃連 一錢五分

生地黃

當歸身

甘草 各五錢

硃砂 一錢別研

為末蒸餅丸黍米大每十丸或十五

二十九丸唾津下 宗厚曰按此二方血分藥也

牛黃膏治熱入血室發狂不認人者

牛黃 二錢五分

硃砂

蔚金 各三錢

腦子

甘草

各一錢

牡丹皮 二錢

為末煉蜜丸皂子大新水化下

錢氏安神丸治熱渴心悶脈實煩赤口燥

麥門冬

馬牙硝

山藥

白茯苓

寒水石

各五錢

硃砂 一兩

甘草 五錢

龍腦 一字

為末煉蜜丸雞頭

水

大每服半丸或一丸沙糖化下

宗厚曰按此氣分藥也

瀉諸經實熱之劑 局方涼膈散治上焦積熱煩躁多渴面赤

面熱昏咽燥喉咽腫痛口瘡便溺赤澁狂言譫妄睡

卧不安並宜服之

大黃 朴硝 甘草各二兩 連翹四兩 梔子仁

黃芩 薄荷葉各一兩

為末每服二錢竹葉蜜些少煎服

宗厚曰按此手太陰少陰足太陰陽明藥也輕者宜

用桔梗湯毋犯下二焦也餘倣此桔梗湯見喉痺門

調胃承氣湯治中焦實熱胃熱實而不滿

大黃兩一

甘草二錢五分

芒硝四錢五分

水煎

宗厚曰按此足陽明經藥也輕者宜用前胡散

八正散治下焦積熱二閉便澀多渴咽乾口舌生瘡

腫痛淋血

大黃 瞿麥 木通 滑石 萹蓄 車前子

山梔 甘草各等分 為末每服二錢水煎入燈心

宗厚曰按此足太陽陽明藥也輕者宜用導赤散

錢氏瀉青丸治肝經鬱熱

當歸 龍膽草 川芎 山梔 大黃濕紙裹

羌活

防風

去蘆各等分

為末蜜丸雞頭子大每一二丸煎竹葉湯化下

瀉心湯治心熱

黃連

一兩 為末水調二三分量病人大小與之

瀉黃散治脾熱口臭咽乾

藿香葉

山梔

石膏

甘草

七錢 一兩 五錢 三兩

防風

四兩 為末同蜜酒拌微炒香每服一錢

瀉白散治肺熱

桑白皮

地骨皮

各一兩

甘草

五錢 為末每服二三錢

東垣滋腎丸治腎熱

黃栢錢三 知母錢二 桂半一分 為末熱水丸桐子

大每七八十丸至百丸食前百沸湯下

宗厚曰按此五臟藥例也

半夏湯治膽腑實熱精神不守熱泄病

半夏 宿薑各三錢 黃芩 遠志 茯苓各三錢

生地黄錢五 秫米數合 酸棗仁一合 長流水煎服

導赤散治小腸實熱小便赤澀而渴

生地黄 木通 甘草各等分 右末入竹葉同煎服

前胡散治胃氣實熱唇口乾裂中心熱躁大便秘結

非時煩渴睡中口内生涎

大黃錢五 桔梗 枳殼 前胡 杏仁各一錢

葛根錢二 為末每二錢入薑煎服

瀉白散治大腸實熱腹脹不通快臍痛食不化喘不能久立口生瘡

橘皮 淡竹茹 黃芩 梔子仁 礬皮各五錢

茯苓 芒硝各一兩 生地黄五兩

每四錢入薑棗煎空心腹

赤茯苓湯治膀胱實熱腹脹小便不通口苦舌乾咽腫不利

赤茯苓 猪苓 葵子 枳實 瞿麥 木通

黃芩 車前子 滑石 甘草 各等分 人薑煎食

前服 宗厚曰按已上諸方出五臟治要例

治虛熱升 小柴胡湯治潮熱身熱默默不欲飲食

陽之劑 或嘔或渴或利或欬

人參 半夏 生甘草 黃芩 各二錢 胡柴 四錢 生薑

片五枚 棗 二枚 水煎

宗厚曰按此足少陽藥也出太陽例主虛勞煩熱能引清氣上行陽道在經主氣在臟主血故更能入血室也

東垣升陽益胃湯治肺之脾胃虛怠情嗜卧四肢不

收身體沉重口乾食無味大便不調小便頻數食少

食不消洒淅惡寒而或微熱

方見內傷門

宗厚曰按此于太陰足陽明太陰之藥欲升浮中焦下陷之氣故加太陽諸經藥也

### 補中益氣湯

宗厚曰按此于足太陰少陽經藥表裏氣血之劑也  
又曰按發明日經云治熱以寒溫而行之治寒以熱涼而行之治溫以清冷而行之治清以溫熱而行之  
夫治熱以寒溫而行之者有三皆同大熱在身止用黃芪人參甘草此三味者皆甘溫雖表裏皆熱躁發



大

於內捫之肌熱於外能和之汗自出而解矣此溫能除  
大熱之至理一也熱極生風乃左邊入地補母以虛  
其子使天道右邊順行諸病得天令行而必愈二也  
況在熱在上其大寒必伏於內溫能退寒以助地氣  
地氣者在人乃胃之生氣使真氣旺三也此與熱因  
寒用寒因熱用必伏其所主而先其所因治法理同  
而證不同學者最宜深玩

治虛熱滋陰之劑

楊氏秦艸扶羸湯治肺痿骨蒸成勞或嗽

或寒或熱聲啞不出體虛自汗四肢怠惰

柴胡

人參

鱉甲

炙

秦艸

當歸

地骨皮

各二錢五分

半夏

紫苑

甘草

各一錢

水煎服

宗厚曰按此足少陽例藥又氣血之劑也

向方當歸補血湯治肌熱躁熱目赤面紅煩渴引飲  
晝夜不息其脈洪大而虛重按全無此脈虛血虛也  
若悞服白虎湯必死宜此主之

黃芪

錢五

當歸

錢二

水煎服

宗厚曰按此足三陰經藥也

十味人參散治虛熱潮熱身體倦怠

柴胡

甘草

人參

茯苓

半夏

白朮

黃苓

當歸

白芍藥

葛根

各等分

入薑煎服

宗厚曰按此足少陽陽明太陰經藥也

瑞竹堂柴前梅連散治骨蒸勞熱久而不痊三服除根其效如神及五勞七傷虛弱皆治

胡黃連

柴胡

前胡

烏梅

各三錢

每一錢童便一盞猪膽一枚猪脊髓一條韭根白五分同煎至七分去渣溫服不拘時

宗厚曰按此足少陽厥陰于少陰太陰經藥也出少陽例亦是劫劑

元戎五蒸湯治骨蒸勞熱自汗

甘草

人參

知母

黃芩

各二錢

茯苓

熟地黄

葛根

各三錢

石膏

五錢

竹葉

二十片

作一服入梗米一合煎加減見本論

宗厚曰按此足陽明手太陰手足少陰經藥也已上並氣血之劑

升陽滋陰之劑

局方十全大補湯治諸虛不足五勞七傷不

進飲食久病虛損時發潮熱者

白茯苓

人參

當歸

白朮

黃芪

川芎

肉桂

白芍藥

炒

熟地黄

甘草

各等分

每服一兩

八薑棗水煎服

宗厚曰按此手足三陰氣血藥也

人參養榮湯治久病虛損口乾食少欬而下利心驚

悸熱而自汗

前方減芍加陳皮五味遠志 入薑棗煎服

宗厚曰按此手足太陰藥氣血之劑也

黃芪鱉甲散治男女虛熱身瘦五心煩熱四肢怠惰

欬嗽咽乾自汗食少

人參 肉桂 桔梗 各一錢五分 生地黃 半夏

紫苑 知母 白芍藥 黃芪 甘草 桑白皮

各二錢五分 天門冬 鱉甲 各五錢 秦光 茯苓

地骨皮 柴胡 各三錢 入薑煎每服一兩衛生寶鑑減

桂芍地骨各人參黃芪散 宗厚曰按此手太陰例

藥氣血之劑然氣亂於胸中為清濁相干者須加氣藥以理之又不必拘此如氣液衰陰血竭古方有兼用烏蛤蛭猪腎脊髓人尿等物皆其法也

治風熱之劑 川芎石膏湯 方見中風門

仙朮芎散治風熱燥熱 防風通聖中加菊花藿香砂仁減麻黃芒硝為末每服一二錢

宗厚曰按此足太陽陽明三陰經藥也

濕熱之劑 五苓散 方見濕門

東垣清燥湯 方見痿門 宗厚曰按此手足太陰氣血之

劑也出太陽例

風濕熱 東垣羌活湯治身重或眩運麻木小便澀大

便不調下焦痿軟不能行止

羌活 防風 柴胡 各一錢 藁本 獨活

茯苓 澤瀉 猪苓 黃芪 甘草 炙

陳皮 黃柏 黃連 蒼朮 升麻 川芎 各五分

水煎服

宗厚曰按此疎風勝濕升陽之劑也出太陽茯苓澤瀉例

痺

原病經曰風寒濕三氣雜至合而為痺其風氣勝者為行痺寒氣勝者為痛痺濕氣勝者為著痺以冬過此為骨痺以春過此為筋痺以夏過此為脈痺以至陰過此為肌痺以秋過此為皮痺 宗厚曰按本論備五臟等痺甚詳宜玩本文 無擇云三氣襲人經絡入于筋脈皮肉肌骨久而不已則入五臟煩滿喘而嘔者是痺客于肺煩心上氣噎乾恐噫厥脹滿者是痺客于心多飲小便數小腹痛如懷妊夜卧則驚者是痺客于肝善脹尻以代踵脊以代頭者是痺客



于腎四肢懶惰發欬嘔沫上為大寒者是痺客于脾  
又有勝痺胞痺及六腑各有俞風寒濕所中治之隨  
其腑俞以施針灸之法仍服逐三氣發散等藥則病  
自愈大抵痺之為病寒多則痛風多則行濕多則着  
在骨則重而不舉在脈則血凝不流在筋則屈而不  
伸在肉則不仁在皮則寒逢寒則急逢熱則縱又有  
血痺以類相從外有支飲作痺 宗厚曰痺證有筋  
掣不伸肌肉不仁者與風證絕相似故世俗多與風  
痿痺證通治此千古之弊也大抵當分其所因風則  
場受之痺感風寒濕之氣則陰受之為病多重痛沉

着患者易得難去如錢仲陽為宋之一代明醫自患  
周痺止能移于手足為之偏廢不能盡去可見其為  
難治也

痺證入  
臟者死

嚴氏曰痺證因體虛腠理空疎受之而成逢

寒則急逢熱則縱隨所受邪氣而生證也 宗厚曰人

感三氣為痺者正因形虛血虛爾但有在肌皮血脈

淺深之異故入臟者死 又曰此證因虛而感既着

體不去須製對證藥日夜飲之雖留連不愈能守病

禁不令入臟庶可扶持也如錢仲陽取茯苓其大逾

斗者以法敷之閱月乃盡由此雖偏廢而氣骨堅悍

如無疾者壽八十二而終惜乎其方無傳

温經勝 三因附子湯治風寒濕痺骨節疼痛皮膚不

仁肌肉重着四肢緩縱

附子

白芍藥

桂心

甘草

白茯苓

人參

各三兩

白朮

兩一

乾薑

兩三

每服四錢水煎服

宗厚曰按此太陽例藥温中解表之劑

疎風養血之劑 三因黃芪三物湯治人骨弱肌重因疲勞汗

出臥不時動搖加以微風遂作血痺脈當陰陽俱微

尺中少緊身體如風痺狀

黃芪 白芍藥

桂心等分

每服四五錢入薑棗煎服

嚴氏獨痺湯治身體煩疼項背拘急或痛或重舉動艱難手足冷痺腰腿沉重筋脈無力

當歸

白芍藥

黃芪

片子薑黃

羌活

各一兩五錢

錢

甘草

炙五錢

每服四五錢入薑棗煎服

獨活寄生湯治肝腎虛弱感風濕致痺兩脛緩縱痺

弱不仁

方見脚氣門

宗厚曰按已上方多太陽例藥也大抵痺證有兼風

兼濕寒熱獨勝腑臟所受不同用者自宜擴充

治痰飲  
茯苓湯治支飲手足麻痺多睡眩冒

半夏

赤茯苓

橘紅

各一兩

枳實

桔梗

甘草

各五錢

每服四五錢入薑七片水煎服

宗厚曰按此言支飲能為痺證即飲能為脚氣證是也夫抵因虛而傳注邪客日久榮衛壅鬱多致濕熱經緩不能自收持如逢熱則縱也已上方未能盡其例用者自宜通變也

厥

內經厥證于足或寒或熱

論曰陽氣衰于下則為寒厥陰氣衰于

下則為熱厥人質壯以秋冬奪于所用下氣上爭不能復精氣溢下邪氣因從之而上也氣因于中由陽氣衰不能滲營其經絡陽氣日損陰氣獨在故手足為之寒厥也陰氣衰于下則為熱厥由醉飽入房內亡精氣中虛熱入腎氣日衰陽盛陰虛故手足為之熱也宗厚曰本論叙六經厥逆甚詳宜玩本文大抵六經之厥陽證至為响仆為癰疾為妄見陰證至為臈脹大小便不利或嘔或心痛之類皆素多痰氣因

虛所來之為病也惟有輕重之殊爾 陳無擇曰經  
論不出寒熱二證寒熱則因多慾而奪其精故致陽  
衰陰盛熱厥則因醉飽入房精虛則熱入故致陰虛  
陽盛致其厥因多以不勝乘其所勝氣不得行遂致  
厥逆如腎移寒于脾則水乘于土水既不行乃成寒  
厥如心移熱于腎則火乘于水火既不行乃成熱厥  
六經皆然可次第論也

傷寒厥證于成氏曰厥者手足冷也四逆者四肢不

足一於寒逆

溫也傳到三陰則手足厥冷厥者逆也而有陰陽之  
殊熱極而成厥逆者陽極似陰也寒極而成厥逆者

獨陰無陽也 宗厚曰按寒熱發厥固宜隨其陰陽  
勝負為治如其厥逆者不外乎傷寒熱寒<sub>下</sub>熱<sub>上</sub>二證求陰  
陽厥逆之淺深餘寒熱厥證是沉寒積熱發厥至若  
陰陽竭閉尸厥卒厥又非已上寒熱厥證之比也  
卒脈經曰脈至如喘名曰氣厥氣厥者不知與人言  
金匱云寸脈沉大而滑沉則為實滑則為氣實氣  
相搏血氣入臟唇口青身冷即死如身和汗自出為  
入腑即愈此名卒厥 宗厚曰按腑者為傳道出內  
之所其氣通故入腑即愈也

經尸經云陰氣盛于上則下虛下虛則腹脹滿腹滿則



下氣重而邪氣逆逆則陽氣亂陽氣亂則令人暴不知  
人或至半日遠一日乃知人也名曰尸厥 陳無擇

曰尸厥由臟氣相刑或與外邪相忤則氣遏不行閉  
于經絡諸脈匿伏昏不知人惟當隨其臟氣而通之

證治  
大法

子和曰厥之為病手足至膝下或寒或熱也熱

厥為手足熱寒厥為手足寒也陽經起于足指之表  
陰經起于足心之下陽氣盛則足下熱陰氣盛則足  
下寒熱厥者寒在上也寒厥者熱在上也寒在上者  
以溫劑補肺金熱在上者以涼劑清心火則愈矣若  
尸厥痿厥氣厥酒厥可一涌而醒次服降火益水和

血通氣之藥使粥食調養無不瘡者若其餘諸厥倣  
此行之 宗厚曰按厥證寒熱亦有陰陽虛實不同  
如形氣稍實者宜從子和之法吐下之虛甚者惟宜  
隨其所因而調理之可也陳氏論臟氣相刑或與外  
邪相忤氣遏不行閉經絡脈伏昏不知人至為尸厥  
今世俗多作風治鮮不致斃如傳引華陀治魏太子  
尸厥為陽脈下墜陰脈上爭會氣閉而不通上有絕  
陽之絡下有破陰之紐破陰絕陽之色已發脈亂故  
形靜如死狀此與經言陰陽之氣盛衰為厥之旨甚  
微後人妄能得證治之彷彿乎而以陰陽證治之可

驗者較之若傷寒手足厥逆昏不知人邪氣已極溫  
下之間稍或遲緩禍不旋踵或汗不解暴衄不知人  
而厥或雜病得吐衄血而厥不知人者或二日或三  
日必間間則為愈矣蓋陰氣尚實必身不熱熱則不  
厥厥則為血溫身熱主死矣暴氣厥而形實者七情  
所致痰飲內鬱而厥必半日或一二時必間形虛而  
氣逆甚者多致不救此又可見氣血為厥陰陽暴逆  
之甚也故不可斷作風治

卒  
通關蘇合香丸治暴厥不知人未辨風痰氣厥  
之劑

宜與此膏化濃湯灌之惺後却議脈證用藥

劑吐瓜蒂散

方見痰飲門

口禁者或先用搐鼻藥

并發之劑

三因追魂湯治卒厥暴死及主客忤鬼擊飛尸

絕不覺口噤

即麻黃湯

麻黃湯

方見寒門

水煎灌之不下者

分病人髮左右捉搦按肩引之令服取效千金方加

桂 宗厚曰按此治感中邪氣之劑

治寒之劑

四逆湯治寒厥表熱裏寒下利清穀食入則吐

脈沉伏手足冷

方見寒門

宗厚曰按此治寒熱之劑

並出寒暑例然內因氣血之劑詳見各門宜對證選

用茲不詳錄

治熱之劑

白虎湯治熱厥腹滿身重難以轉側面垢譫語

遺溺手足厥冷自汗脈沉滑

方見  
暑門

頭痛

邪氣伏留難經曰手三陽之脈受風寒伏留而不去  
為厥頭痛

則名厥頭痛入連在腦者名真頭痛 宗厚曰靈樞

有厥頭痛之名而不指何邪為病至難經始言風寒

伏留不去而三因嚴氏論云氣血俱虛風寒暑濕之

氣所侵傳於陽經伏留不去名曰厥頭痛蓋厥者逆

也逆壅而衝於頭也痛引腦巔陷空泥丸宮者名真

頭痛非藥之能愈夕發旦死旦發夕死責根氣先絕

也斯言得之矣

雜證頭痛與傷寒不同

宗厚曰傷寒以足三陽經上行至頭并厥

散

陰與督脈會於巔故止言四經頭痛若雜病所感者諸經皆能頭痛也活人用葱白湯以通上下之湯氣也

真頭痛 靈樞云真頭痛頭痛其腦盡痛手足寒至節死不治

頭痛 子和云丹陽僧病頭熱痛不散見明以布圍其巔上置冰於其中日易數次戴人曰此三陽畜熱故也乃置炭火煖室中出汗涌吐三法病行七日而愈

頭痛大法 東垣曰經云東風生於春病在肝俞在頸項故

春氣者病在頭又諸陽會於頭面如足太陽之脈病

衝頭痛足少陰之脈病頭角頷痛夫風從上受之風  
寒傷上邪從外入客於經絡令人振寒頭痛身重惡  
寒治在風池風府謂其陰陽不足則補有餘則瀉汗  
之則愈此傷寒頭痛也頭痛耳鳴九竅不利者腸胃  
之所生乃氣虛頭痛也心煩頭痛者病在膈中過在  
手巨陽少陰乃濕熱頭痛也如氣上不下頭痛顛疾  
者下虛上實也過在足少陰巨陽甚則入腎寒濕頭  
痛也如頭半寒痛者先取手少陽陽明後取足少陽陽  
明此偏頭痛也有真頭痛甚則腦盡痛手足寒至節  
者死不治有厥逆頭痛者者所犯大寒內至骨髓髓者



以腦為主腦逆故令頭痛齒亦痛凡頭痛者亦也風則  
溫也治以辛涼秋尅春之意故頭痛皆以風藥治之  
者總其大體而言之高巔之上惟風可到故味之薄  
者陰中之陽乃自地升天者也然有三陰三陽之異  
故太陽頭痛脈浮緊惡風寒川芎羌活獨活麻黃之  
類為主少陽經頭痛脈弦細往來寒熱柴胡為主陽  
明頭痛身熱目疼鼻乾不惡寒發熱惡熱其脈浮緩  
而長升麻湯或石膏白芷為主太陰頭痛必有痰體  
重或腹痛為痰癖其脈沉緩蒼朮半夏南星為主少  
陰經頭痛三陰三陽經不流行而足寒氣逆為寒厥

何

其脈沉細麻黃附子細辛湯為主厥陰頭痛項痛或  
痰吐涎沫厥冷其脈浮緩吳茱萸湯主之諸血虛  
頭痛當歸川芎為主諸氣虛頭痛人參黃芪為主  
為主者主治也兼見證以佐使藥治之此立方之  
大法也氣血俱虛頭痛者於調中益氣湯中少加川  
芎蔓荊子細辛其效如神半夏白朮天麻湯治痰厥  
頭痛藥也清空膏乃風濕熱頭痛藥也羌活附子湯  
厥逆頭痛藥也如濕氣在頭者以苦吐之不可執方  
而治 宗厚曰按此論頭痛至為詳悉首言傷寒內  
傷頭痛歷引內經以明濕熱寒濕偏頭痛真頭痛厥

逆頭痛等證細分六經用藥之法後世無以加矣  
又曰頭痛證其源甚多東垣之論可謂詳矣然自外而  
致者有風寒暑濕之異若仲景之傷寒東垣分六經  
之類皆是也自內而致者有氣血痰飲五臟氣鬱之  
異東垣論氣虛血虛痰厥頭痛之類皆是也大抵四  
淫皆外邪隨其風寒濕熱多少而治於外也氣血痰  
飲五臟之證皆內邪亦宜隨其血氣痰飲七情內火  
分虛實寒熱而調其內以治於外也然氣血虛而用  
補宜東垣之論若三因等方用附子以治氣虛此則  
從陽虛立意非人身平和之血氣也

頭風  
大法 子和云頭痛不止乃三陽受病也 三陽分部

分頭與項痛者足太陽經也攢竹痛俗呼為眉虎骨  
痛者是也額角上痛俗呼為偏頭痛者足少陽經也  
如痛久不已則令人喪目以三陽受病皆胸膈有宿  
痰之致然也先以茶調散吐之吐訖可服川芎薄荷  
辛涼清上之藥叔和云寸脈急而頭痛是也 景厚  
曰按此云頭痛乃三陽受病皆胸膈有痰之致乃指  
病之壅鬱於上而言也內經云春氣者病在頭蓋  
天氣在上知病氣亦升於上也吐之所以宣達在  
上之邪仲景云大法春宜吐是也此亦治頭痛之

執

一法但不可專熱於此 予和治一婦人偏頭痛五  
七年大便結燥兩目赤腫眩運世之頭風藥無不服  
其頭上針艾數百矣一日戴人診其脈急數而有力  
風熱之甚也此頭角痛是三焦相火之經乃陽明燥  
全勝也燥全勝乘肝則肝氣鬱肝氣鬱則氣血壅氣  
血壅則上下不通故燥結於裏尋至失明治以大承  
氣湯令河水煎二兩加芒硝一兩煎成頓令分三五  
服下泄如湯二十餘行次服七宣丸神功丸以潤之菝  
蓂葵菜猪羊血以滑之三劑之外目豁首輒燥澤結  
釋而愈 宗厚曰按此所治之疾既已多年不解豈

非風濕熱三氣鬱滯膠固而然哉故其所施之法雖峻而於中病之情則得也又論頭風之甚者久則目昏偏頭風者少陽相火也久則目東小大便秘澀皆宜出血而大下之出血之義是即開鬱解表也宗厚又曰久年偏正頭風者多因內挾痰涎風火鬱遏經絡氣血壅滯之證然亦有血虛者須宜分別以治之

脈內經曰寸口脈中短者曰頭痛脈經云陽弦則頭

痛脈訣云頭痛短瀆應須死浮滑風痰皆易除

治風之劑局方川芎茶調散治諸風上攻偏正頭疼方見傷風門

秘藏澈清膏

川芎 薄荷葉各二分 藜蘆各一分 甘草生五分

炙甘草五分 蔓荊子 細辛各一分

為末每二錢茶清下食後

宗厚曰按此手足少陽厥陰太陽少陰經藥也

宗厚又曰若陰證頭痛只用溫中藥足矣如理中薑

附輩

治風寒之劑 祕藏羌活附子湯治冬月大寒犯腦令人腦

痛甚亦痛名曰腦風

麻黃節不去 黑附子 防風 白芷 白堊蚕

黃柏各二分 羌活 蒼朮各五分 升麻二分

黃芪分二 甘草分二 佛耳草 三分燕 寒去之 水煎服

宗厚曰按此手足太陽陽明太陰經藥也

三因芎辛湯治傷風寒生冷及氣虛痰厥頭痛如破

兼眩暈嘔吐

附子 去皮臍 生用 烏頭 生 天南星 乾薑 甘草

芫 川芎 細辛各等分 剉散每四錢薑五片茶

芽少許煎服 宗厚曰按此足少陽經藥也

嚴氏小芎辛湯治風寒在腦或感邪濕頭重頭疼眩

暈嘔吐

川芎 一兩 細辛 白朮 甘草 各五分



每四錢生薑五片茶芽少許煎服

局方加減三五七散治風寒入腦陽虛頭痛

山茱萸

去核  
三觔

細辛

一觔  
半

乾薑

炮  
二觔

防風

四觔

附子

二十五箇  
炮去皮臍

茯苓

去皮  
三觔

為末每二錢溫酒調下

宗厚曰按已上二方亦足少陰經藥也

治風熱 祕藏清空膏治偏正頭疼年深不愈者及療  
之劑

風濕熱頭痛上壅損目

羌活

防風

各一兩

柴胡

七錢

川芎

五錢

甘草

炙一

兩五錢

黃連

炒一兩

細梃子黃芩

二兩一兩  
洗一半炒

為末每服二錢七熱茶調如膏抄在口內少用白

湯送下如頭痛加細辛分二如太陰脈緩有痰減去羌  
活防風川芎甘草加半夏一錢兩如偏頭痛服之不愈  
減羌活防風川芎一半加柴胡一倍如陽明頭痛只  
與白虎湯中加白芷 宗厚曰按此足三陽經藥也  
寶鑑石膏散治頭疼

川芎 石膏 白芷等分 為末每服四錢熱茶清

調下 宗厚曰按此陽明少陽經藥也已上東垣治

其 風熱頭痛諸方多不同者以有臟腑經絡之異也

今不詳載其方然有用羌活防風川芎羌胡升麻藜  
本細辛之異者行各經也有用黃芩黃連黃柏知母

石膏生地之異者分各臟瀉火也。用澤瀉茯苓者導濕也。又使邪氣自天而降也。用黃芪者補氣行氣也。各隨病而增損之意不可拘執也。

治濕之劑 三因芎朮湯治濕着頭重眩暈痛極

川芎 白朮 附子

生去皮共各五錢

桂心 甘草 各一分

每服四錢薑七片棗一枚同煎食前服

宗厚曰按此足少陰經藥也。治寒濕之藥有熱者不治

痰厥頭痛之劑 祕藏半夏白朮天麻湯治素有脾胃之證時

顯煩燥大便不利又出入為寒氣所鬱悶亂大作火

鬱不伸故也醫疑有熱服疎風丸下之元證不減復  
 添嘔逆食不能停痰唾稠粘湧出不止眼溢頭旋惡  
 心煩悶氣短促上喘無氣力目不敢開如在風雲中  
 頭苦痛如裂身重如山四肢厥冷是胃氣已損復下  
 兩次重虛脾胃病名曰痰厥頭痛

半夏 一錢五分

白朮

炒麴

各一錢

天麻

黃芪

人參

蒼朮

陳皮

澤瀉

茯苓

各五分

大麥

麴 一錢五分

乾薑 三分

黃柏 二分

此頭痛甚為足太陰痰厥頭痛非半夏不能療  
 目黑頭旋風虛內作非天麻不能除

詳見試効方

家珍水煮金花丸治頭痛每發時兩頰青黃眩運目  
不欲開懶欲言語身重兀兀欲吐數日方過此厥陰  
太陰合而為病名曰風痰服此藥更灸俠谿一穴不  
旬日愈 局方玉壺丸加雄黃白朮以治風濕

宗厚曰按此出太陰嘔噦例治風痰之藥也

巖氏三生丸治痰厥頭痛

半夏

白附子

南星

各一分

細末生薑自然汁

浸蒸餅為丸菜豆大每服四十丸食後薑湯下

宗厚曰按此藥出厥陰南星半夏例亦治風痰之藥  
也

寶鑑茯苓半夏湯治風痰逆嘔吐頭痛

大半夏三枚

茯苓分

黃芩

甘草

陳皮各一分

薑三片煎

宗厚曰按此手足太陰經藥治痰扶

熱之藥也其治痰扶寒之藥與治風寒之劑相類

者采之

補氣之劑寶鑑順氣和中湯治年高氣弱清氣不能上升

頭面昏悶本無表邪因發汗數次清陽之氣愈虛故

苦頭痛惡風不喜飲食氣短脈弱弦細而微宜升陽氣

黃芪一錢五分

人參錢一

白朮

陳皮

當歸

白芍

藥五分

甘草七分

升麻

柴胡

各三分

川芎

細辛 蔓荊子 各二分

作一服水煎食後服

宗厚曰按此即補中益氣湯加減法也內傷頭痛本方加蔓荊子三分痛甚加川芎二分項痛腦痛加藁本三分若苦頭痛者加細辛二分諸頭痛併用此四味足矣若頭上有熱則此不能治當以清空之劑補血機要四物湯治頭疼 四物湯中倍川芎之劑元戎古方治頭痛欲裂

當歸

二兩 酒一升 煮取六合

宗厚曰按此二方並出厥陰例藥也

搖秘方治頭痛不忍

玄胡七枚

猪牙皂角

肥實者二箇

青黛錢二為末水丸

成小餅子如杏仁大用時令病者仰卧以水化開用竹管送入男左女右鼻中覺藥至喉少酸令病者坐却令咬定銅錢一個於當門齒當見涎出成盆即愈

三因方搐鼻藥

萆撥

良薑

各一分

白芷錢一

細辛分五

為末每服

一小字先含水一口分搐鼻內吐水即止

秘藏搐鼻齏全散治風熱頭痛

石膏

芒硝

白芷

各一錢

鬱金錢一

薄荷

三分

為末極細口含水鼻內搐之



宗厚曰按此陽明經藥也

太陽經嚏藥

防風分二 羌活分三 紅豆筒二 為末鼻內搐之

元戎搐藥瓜蒂散治偏頭痛久不愈服藥及針灸不  
効者以其濕氣在頭也 瓜蒂一味為末少許吹鼻  
中清水徐徐出一晝夜濕盡病止為度 宗厚曰按  
此已上搐藥元戎云亦吐之義也經云濕氣在上以  
苦吐之故邪在胸中服之邪在頭目搐之皆吐之屬  
也張子和點目出泪搐鼻流涕口含麤涎皆以同乎  
吐也

貼藥 前三因藥為末和葱白搗泥為膏貼兩額上

方雜 嚴氏葱附丸治元氣虛墜上攻頭痛

附子 一筒炮 去皮臍 為末葱涎為丸桐子大空心茶清下

玉真丸治腎厥頭痛不可忍其脈舉之則弦按之則

堅

生硫黃 二兩 乃研 石膏 者 梗 半夏 湯泡 七次 硝石 乃研各 一兩

為末研勻用生薑自然汁煮糊丸桐子大每服四

十丸食前未飲下 宗厚曰按頭痛古人多從風而

議治故其藥雖有辛平辛涼辛溫辛熱之殊大抵皆

於解散之中分所挾之寒熱耳至於傷寒頭痛仲景

論中亦詳茲不詳載但內因痰厥氣虛血虛頭痛之  
類東垣雖有論有方學者亦宜隨病審機而用藥亦  
難拘於所錄之方以盡其變也又嚴氏治氣虛頭痛  
用附子治腎厥頭痛用疏黃等藥本出三因之論其  
義皆未切當今姑存之以備其說耳

心痛

內經叙  
病原

鍼經曰足太陰之脈其支者復從胃別上膈注於心中是動則病舌本強食則嘔胃脘痛腹脹善噫心下急痛胃痛者腹脹胃脘當心而痛上支兩脇高咽不通厥心痛者乃寒邪客於心胞絡也

寒經曰五臟卒痛何氣使然曰寒氣客於背俞之脈則血脈注脈注則血虛血虛則痛其俞注於心故相引而痛按之則熱氣至則痛止矣重感於寒則痛久矣  
機要曰有寒厥心痛者手足逆而通身冷汗出便溺清利或大便利而不渴氣微力弱急以求附湯

溫之寒厥暴痛非久病也朝發暮死急當救之是知  
久病無寒暴病非熱也

熱機要曰諸心痛者皆少陰厥陰氣上衝也亦有熱  
厥心痛者身熱足寒痛甚則煩躁而吐額自汗出知  
為熱也其脈浮大而洪當灸太谿及崑崙謂表裏俱  
瀉之是謂熱病汗不出引熱下利表汗通身而出者  
愈也灸畢服金鈴子散則愈痛止服枳朮丸去其餘  
邪也 宗厚曰按機要論寒厥熱厥治法已詳

外感 陳無擇曰十二經絡外感六淫則其氣閉塞鬱  
于中焦氣與邪爭發為疼痛足厥陰心痛兩脇急引

小腹連陰股相引痛手心主痛徹背心煩掌中熱咽  
乾目黃赤脇滿足太陰心痛腹脹滿漻漻然大便不  
利膈悶咽塞太陰心痛短氣不足以息季脇空痛  
遺失無度胸滿煩心足少陰心痛煩劇面黑心懸若  
飢胸滿腰痛背輸諸經心痛心與背相引心痛徹  
背背痛徹心諸腑心痛難以俛仰小腹上衝卒不知  
人嘔吐泄瀉此皆諸經諸俞諸腑涉邪所致

內傷

七情無擇曰五臟內動汨以七情則其氣痞結聚于

中腕氣與血搏發為疼痛肝心痛者色蒼蒼如死狀  
終日不得太息真心痛者云云脾心痛者如錐針刺

其心腹蘊蘊然氣滿肺心痛者若從心間起動作痛  
益甚色不變腎心痛者與背相控善噤如物從後觸  
其心身偃偻胃心痛者腹痛胸滿不下食食則不消  
皆臟氣不平喜怒憂鬱所致

虛脈經曰憂愁思慮則傷心傷心則苦驚喜忘善怒  
心傷者其人勞倦即頭面赤而下重心中痛徹背其  
脈弦此心臟傷所致也 宗厚曰病久氣血虛損及  
素作勞羸弱之人患心痛者皆虛痛也故錢氏曰心虛  
者炒鹽補之觀圖經衍義中貝蠣治心痛則蠣粉與鹽  
實得之矣但世俗莫知其妙而先哲不言此例者欲

人自求之爾

食機要曰有大實心中痛者因氣而食卒然發痛大便或秘久而注悶心胸高起按之愈痛不能飲食急以煮黃丸利之利後以藁朮湯去其邪 無擇曰飲食勞逸觸忤非類使臟氣不平痞膈于中食飲道注變亂腸胃發為疼痛或飲啖生冷果實中寒不能消散結而為積遇食還發名積心痛

赤  
虫諸虫痛者如心腹痛懊懷發作腫聚往來上下行痛有休作心腹中熱善渴涎出面色乍青乍白乍青嘔吐清水者虵蛟也 無擇曰臟寒生虵致心痛



鬼擊無擇曰有卒中客忤鬼擊尸症使人心痛無

尸症尸症擇又曰所謂九種心痛曰飲曰食曰風曰冷曰熱曰

悸曰虫曰疰曰去來痛

血無擇曰婦人惡血入心脾經發作疼痛尤甚於諸  
痛丹溪曰凡治此病必先要問平日起居何如假  
如心痛有因平日喜食熱物以致血死留於胃口作  
痛者用桃仁承氣湯下之

真心真心真心痛者寒邪傷其君也手足青至節甚則旦  
發夕死夕發旦死

心痛心痛新丹溪曰凡心膈之痛須分久新若明知身受  
久異治

寒氣口食寒物而病於初得之時當用溫散或溫利  
之藥若其病得之稍久則成鬱矣鬱則蒸熱熱久必  
生火原病式中備言之矣若欲行溫利溫散寧無助  
火添病耶由是古方中多以山梔為熱藥之鄉導則  
邪易伏病易退

禁丹溪曰向安之後若縱恣口味病必復作 宗厚

曰若丹溪此等例皆前人所未舉也學者識之

脈經曰脈陰弦為心痛心脈微急為痛微大為心  
痺引背短而數心痛滿則心痛脈浮大弦長者死沉  
細者生

治寒之劑 三因倉卒散治氣自腰腹間攻心掣急痛不可

忍腹中冷自汗如洗手足冷

山梔

四十九個連皮燒半過

附子

一個炮去皮臍

為末每二錢酒一盞入鹽少許煎溫服

元戎朮附湯治寒厥暴痛脈微氣弱

甘草

炙一兩

白朮

兩四

附子

炮去皮臍切片一兩半

每三錢入薑棗煎服

宣明神砂一粒丹治一切厥心痛

附子

麝香

薑黃

各五錢

為末醋麴糊丸如

酸棗大以硃砂為衣每服一丸男子酒下婦人醋

湯下 宗厚曰按已上出少陰例藥也

機要藁本湯治大實心痛大便已利宜此服之

藁本 錢五 蒼朮 兩一 水煎服

宗厚曰按此足太陰太陽藥也

東垣麻黃豆蔻丸治寒犯心胃大痛不可忍

麻黃 一錢 不去節 草豆蔻 錢五 益智仁 分八 炒神麩

錢二 升麻 半夏 麥蘖 砂仁 黃芪 白朮

陳皮 柴胡 炙甘草 吳茱萸 當歸身 各五分

青皮 木香 厚朴 萹澄茄 各四分 紅花 分二

蘇木 分三 為末湯浸蒸餅為丸桐子大每三十丸

溫水下或細嚼

宗厚曰按此出太陽例又氣血之劑也

治熱之劑大陷胸湯治熱結胸中脈沉而緊心下痛按之

石硬

大黃錢六

芒硝合半

甘遂分一

先煮大黃後下硝

遂末取溫服 宗厚曰按此陽明例藥也

機要金鈴子散治熱厥心痛或發或止久不愈者

金鈴子

玄胡

各一兩

為末每服二三錢酒調下溫湯亦得

瑞竹堂方應痛丸治心氣不可忍者

好茶末兩四 棟乳香兩二 為末用臘月兔血和丸

如雞頭大每服一丸温醋送下

宗厚曰按此二方少陰經藥也

調血之劑 元戎四物湯治婦人血虛心腹疔痛 本方減

地黄加乾薑

濟生愈痛散治急心痛胃脘痛

五靈脂 玄胡索炒 莪朮 良薑 當歸

等分為末每二錢熱醋湯調下不拘時

錢觀文方治心脾疼

當歸兩八 白朮錢八 為末沸湯點服一二錢

丹溪方治死血胃脘痛者

玄胡

一兩五錢

桂

滑石

紅花

紅麴

各五錢

桃仁

三十箇

為末湯浸蒸餅丸

宗厚曰按已上

並厥陰例藥也治血虛血實例各不同宜選用

理氣之劑

局方蘇合香丸治疰忤鬼氣卒心痛

方見氣門

宗厚曰按此厥陰例藥也然世俗多用蟠蔥散

方見疰門

宜較輕重選使

元戎立應散治心腹急痛

香附子炒

良薑分等

細末每二錢湯點服

濟生加味七氣湯治七氣為病及外感風寒為心痛

半夏五兩 桂 玄胡炒各一兩 人參 甘草各五錢

乳香錢三 每四錢入薑煎

宗厚曰按已上太陰例藥也

理氣調血之劑 楊氏方卻痛散治心氣冷痛不可忍

五靈脂 蒲黃炒一兩五錢 當歸 桂 石菖蒲

木香 胡椒各一兩 川烏炮七分 每四錢入鹽

醋少許煎 宗厚曰按此出厥陰例藥也

百一選方手拈散治心脾疼

草果 玄胡 五靈脂 沒藥

等分每三錢溫酒調下



宣明沒藥散治一切心肚疼痛不可忍者

沒藥

乳香

各三錢

川山甲

炙五錢

木剝子

四錢

為末每五分至一錢酒大半蓋同煎溫服

消導之劑

元戎厚朴丸治大實心痛

方見積聚門

易簡感應丸治酒積食積痰積為患心腹疔痛

丁香

木香

豆蔻

乾薑

巴豆

杏仁

百草霜

用見成丸子五錢入巴豆十箇去殼研

成膏用烏梅三箇蒸過去肉三件一處研令極勻

丸如菜豆大每三五丸溫水下

丹溪方治疫飲積胃脘痛

螺螄殼

墻上年  
久者燒

滑石炒

蒼朮

山梔

香附

南星

各一  
兩

枳殼

青皮

木香

半夏

砂仁

各五  
錢

為末生薑汁浸蒸餅丸如菜豆大每

三四十丸薑湯下春加芍夏加黃連冬加吳茱萸

五錢 宗厚曰按已上出太陰例藥也

治虫  
之劑 三因集效丸治臟腑虛弱或多甘肥致動

心腹絞痛

木香

鶴虱炒

檳榔

訶子

煨去  
核

蕪荑

炒

附子炮

乾薑

炒各七  
錢五分

大黃

一兩五  
錢炒

蜜丸梧子大每三十丸食前橘皮湯下婦人醋湯

下 宗厚曰按此陽明例藥也姑錄此以備其例  
雜行義方銅青一味淡醋湯調些少服之

集錄方荔枝核一味燒存性為末用醋湯調下一錢  
失笑散治心腹痛百藥不效

五靈脂 蒲黃分等 為末先以蠟醋調一錢熬成

膏入水一盞食前溫服